



Inatsisartunut ilaasortaq, Inuit Ataqatigiit  
Naaja H. Nathanielsen  
/MAANI

**”Saqqummiunneqarnermini” nassuiarnera pillugu § 37 naapertorlugu  
apeqqummut nr 2015-297-imut akissut**

Allakkap ullulerneqarfia: 05-01-  
2016  
Suliap nr. 2015 - 17471  
All. nr. 1824417

Asasara Naaja H. Nathanielsen

Qujanaq apeqqutinnut.

P. O. Box 1037  
3900 Nuuk  
Oqarasuaat +299 34 50 00  
Nassitsigasuaat (+299) 34 63  
50  
E-mail: oed@nanoq.gl  
www.naalakkersuisut.gl

Inatsisartut suleriaasianni § 37 naapertorlugu oqaatsip ”saqqummiunneqarnermini”  
nassuiarnera pillugu Naalakkersuisunut marlunnik apeqquteqarputit.

Apeqqutit uannut akineqartussanngortinneqarsimapput.

Apeqqutinik tullerriaarisimanerit malillugu apeqqutigisavit akineqarneri ataani  
takuneqarsinnaapput.

**1. Inatsimmi allassimavoq ”saqqummiunneqarnermini” inatsit aallartinneqassasoq.  
Qanoq assigiinngitsunik amerlatigisunik ”saqqummiunneqarnermini”  
nassuiarneqarsinnaava?**

Inatsisartut UKA 15-imi aalajangiipput eqqussuinermit akitsuutit pillugit Inatsisartut  
inatsisaat allanngortinneqassasoq, taamaasilluni ilaatigut akitsuutit arlallit nutaat  
eqqunneqarput, ilaatigullu akitsuutit arlallit pioreersut qaffaavigineqarlutik (UKA2015/99).

Atortuulersitsinermut aalajangersagaq oqaasertalerneqarsimavoq ima: ”Inatsisartut  
inatsisaat saqqummiunneqarnermini atuutilissaaq”.

Aalajangersakkamut oqaaseqaatini ima allaqqasoqarpoq: ”Siunnersuutigineqarpoq,  
Inatsisartut inatsisaat inatsisip saqqummiunneqarnerani atuutilissasoq. Matumuuna  
isiginiarneqarpoq akitsuutinik qaffaanerup malitsigisaanik nioqqutissanik pineqartunik  
nukingiuksilluni eqqussisoqarsinnaanerata pinngitsoortinneqarnissaa.”

Inatsisilerinikkut akornutissaqanngilaq, inatsisit imamikkut kingumoortumik  
atortuulersinneqarpata. Taamaalilluni inatsisit inatsisip akuerineqarnissaa sioqqullugu  
pisimasunut atuutinneqarsinnaapput. Nalinginnaasumilli naatsorsuutigineqartarpoq,  
inatsisinik kingumoortumik atortuulersitsinissaq mianersuunneqartassasoq.  
Akuersaarneqarporli, eqqanaarisuqarsinnaanerani ernummateqarneq inatsisinik  
kingumoortumik atortuulersitsinissamut tunngavigitinneqarsinnaasoq.

Qitiusumik apeqqut tassaavoq, inatsisissatut siunnersuut qanga saqqummiunneqarpa?

Inatsisartut suleriaasianni § 28-mi, imm. 4-mi atuarneqarsinnaavoq: "Inatsisartut inatsisissaattut siunnersuutip Inatsisartunut saqqummiunneqarnissaa kissaatigineqaraangat tamanna siunnersuuteqartup Inatsisartut Siulittaasuannut allakkatigut nalunaarutigisassavaa, taassumalu siunnersuut, agguanneqareeraangat, Inatsisartuni oqaluuserineqartussatut nalunaarutigisassavaa, taamaattorli § 39, imm. 2 takuuk."

Aalajangersakkamut oqaaseqaatini ima allaqqasoqarpoq: "§ 28-mi, imm. 4 aalajangiivoq, siunnersuuteqartoq Inatsisartut Siulittaasuannut Inatsisartut inatsisissaattut siunnersuummik saqqummiussissasoq, taassumalu siunnersuut, agguanneqareeraangat, Inatsisartuni oqaluuserineqartussatut nalunaarutigissagaa. Siunnersuummik saqqummiinermi Inatsisartut siulittaasuata misissussavaa, siunnersuut suleriaaseq, inatsisit allat imaluunniit Siulittaasoqarfiup § 4-mi, imm. 5 naapertorlugu aalajangersagai malillugit ilusissatigut piumasaqaatinik eqquutsitsinersoq. Siunnersuut ilusiliinissamut saqqummiussinissamullu piumasaqaatinik eqquutsitsinngitsoq § 39-mi, imm. 2 naapertorlugu itigartitsissutigineqarsinnaavoq."

Taamaalliluni erseqqarissivoq, naatsorsuutigisariaqartoq inatsisissatut siunnersuut saqqummiunneqarsimassasoq ulloq taanna, siunnersuut Naalackersuisunit Inatsisartut siulittaasuannut allaganngorlugu tunniunneqarmat imaluunniit, agguassineq ulloq taanna kingoqqullugu pisimappat, ulloq taanna, siunnersuut siulittaasumit nalunaarutigineqarluni agguanneqarpat

Inatsisartut Allattoqarfiat (LABU) paasisitsivoq, inatsisissatut siunnersuut Naalackersuisunit tiguneqarsimasutut allattoqarfimmit nalunaarsorneqarsimasoq ulloq 20. august taavalu agguanneqarluni ulloq 6. september.

Imaalerpoq ulloq taanna inatsisissatut siunnersuummik Inatsisartunut tunniussiffiusoq tassaassasoq saqqummiinermut ulloritinneqartussa:

- Tassa Naalackersuisut inatsisissatut siunnersuummik saqqummiippat aamma Inatsisartut siulittaasuat pineqanngilaq.
- Inatsisissatut siunnersuut tunngaviatigut kikkunnit tamanit takuneqarsinnaalerpoq ulloq Inatsisartunut tunniunneqarfia aallaavigalugu. Taamaattumik ulloq taanna aallaavigalugu eqqanaarisqaalersinnaanera ernummatigissallugu peqqutissaqarsimavoq.
- Tunniussinerup ullulernerqarnera piviusoq Aningaasaqarnermut naalackersuisoqarfimmi aamma Inatsisartuni nalunaarsorneqarnikuuvoq. Allatut oqaatigalugu ullulernerqarnera isumannaassuseqarluartumik aalajangerneqarsinnaavoq.
- Agguassineq sioqqullugu ilusiliinissamut piumasaqaatit siulittaasumit misissoqqinneqartussaapput. Tamatuma, siunnersuutit amerlassusaasa allanngorarnerat (annertoq) aamma illup iluani agguassinermik ingerlatsisarnerup qanoq ittuunera peqatigitillugu, kinguneraa, agguassinerup qaqugu pinissaa ullulerrlugu tamanut saqqummiunneqanngimmat.

Inatsisartut suleriaasianni § 28-mi, imm. 4-mik oqaatsitigut paasinneq aamma suleriaaseq/ allaffissornikkut pissutsit tunngavigalugit inatsisissatut siunnersuut ulloq 20. august 2015-imi saqqummiunneqarsimasutut isigineqarsinnaavoq, tassa imaappoq ulloq taanna siunnersuut Naalackersuisunit Inatsisartunut tunniunneqarmat.

Taamaattorli iluaqutaassaaq, Inatsisartut suleriaasiat periarfissaqarnermi allanngortinneqarpat, erseqqissaatigalugu, inatsisissatut siunnersuut qaqugukkut saqqummiunneqarsimasutut isigineqarsinnaanersoq.

**2. Sooruna Naalackersuisut siunnersuummik tunniussinermi  
"saqqummiunneqarnermini" ullorititaq ulloritikkaat, Inatsisartuni  
saqqummiunneqarnera pinnagu imaluunniit inatsisip pingajussaaneerineqarneraniit?**

Apeqqummut 1-mut akissut innersuussutigineqarpoq.

Naggasiullugu eqqumaffigeqquneqarpoq, inatsisissatut siunnersuutip aappassaaneerineqarluni suliarineqarnerani Aningaasaqarnermut Akileraartarnermullu ataatsimiititaliap isumaliutissiissutimini imm. 4-mi oqaatigimmagu, inatsisissatut siunnersuut saqqummiunneqarnermini atuutilissasoq.

Inussiarnersumik Inuulluaqqusillunga  
Med venlig hilsen

Vittus Qujaukitsoq